

## كتاب راقودة - ٨

شعر بالعامية المصرية

على مصطفى العصور

على محمدى أحمد

رئيس مجلس الإدارة : لىلى فهمى

رئيس التحرير : أ.د. محمد زكريا عنانى

مدير التحرير : نادية ندا

تصميم الغلاف  
هيا السير

الطبعة الاولى ١٩٩٨

... ~~Handwritten scribbles~~  
~~Handwritten scribbles~~  
~~Handwritten scribbles~~  
~~Handwritten scribbles~~  
1997.1.9

## الإهداء

يا مُنصِّفي ... أنا باكتفى  
أهدى ديوانى .. لكل خلدٍ وفى ...  
على محمدى على أحمد

## المقدمة

مهما الحياة ما يصفاليش دهرها  
ويصفي للناس اللي بتغشها  
مارضتش أطعنها أنا ف ضهرها  
إذ ربّما تدينى يوم وشـها  
على محمدى على أحمد

## مشوار حب

عجبتني ..  
لأنك. لما خدتي على راحتى ،  
وسوتى ...  
وفتحى زراير سدرى العاجى  
ما كانش فى قدرتى آجى.  
وانا ... لا معايا منديلك ...  
ولا شعرايه من راسك  
ولا قادر أغنى لك.  
وبينى وبينك السيف ..  
وبحر الكاف ..  
ومركبتى بلا مجداف .. ولا مرسى  
يجوز أنسى - زعيق الريح ..  
ورمح الموت على شراعى -

ولا أنسى اسمك المنقوش ...

على الدبلة اللي في صباعي

...

حبيبتي ..

لو مافيش داعي لموالي

ولسه شايله في العالي ..

تجاويني على سوالي ..

عشانك ...

أنزح البحرين - بغربالي - ولا تعبتي

واروح في سكه ..

بتودي .. ما بتجيشي.

واجيب اللي ما ينجبشي.

ما دام .. انتي

وراي مطولة قامتي

وعامله لكلمتي هيبه

فلولا باخشى العيبه  
وخوفى ترجعى تجنى  
لاخذ غيبتى منك  
وتاخذى غيبتك منى

...

... ولكنى.

باجيبك تفلتى منى .. وتتساقى ..  
وعايزه تعرفى الباقي  
أنا .. لا ح اكشف أوراقي  
ولا انتى عايزه تتكلى  
لو انك تزعلى منى.  
أنا .. حالف ما بعش رخيص  
وادارى لشمعتى .. تلالى  
فلا جبت اللى ما پنجاب ..  
ولا كان النقيب خالى

- وانا مالى -

ما دام الميه ما بتطلعش فى العالى

وصوت الحرف متكتم ...

بلاش دى الوقت نتكلم.

ولما اكبر واتعلم - لغاكى ازى -

وكيف الرقص ع السلم ...

.. وع اللّحبال

واقدر اشترى لى خال ..

وبنت حلال ... ودروابه

ح اشيل عينى قُصاد وشك

يا واخدانى على غمايه - وشمتانه

لنا ح اخذك على خوانه

ولا ناوى على غشك

...

ومهما قلت موش خايف.

من الحارس .. وم البواب  
ح أكون كداب  
يا إما تفتحى لى الباب ..  
وتاخذينى على عيبي  
يا إما تعدى وتجيبي ...  
.. وتثنينى ..  
ولما تعدى عدينى.  
...  
وساعة ندهتك ليا :  
يا واد قدّم  
ح تتندم .. إذا مالحقش الزفه  
يا واد حود على الضفه  
هناك الطبل والبرجاس  
رقيتك من عيون الناس.  
وم البواب .. وم الحراس ..



ومن عين اللي قريته ... ومسماش

وجبت الميه وضيقته ..

ومصلاش

راقيتك من عيون ناسك

يا طالع طلعة الددبان ..

ورافع في البلد راسك ..

.. وراجع فارس الميدان

تجيب لي شبكتي ....

كردان ..، وحنه ..، ومستكه ..

.. وجاوا

واديني مبجحه الفستان

ما تيجي ف بعض نتاوي

## كَلِمَةُ شَرَفٍ

أَسْأَلُ سُؤْلَ ؟

أَسْأَلُ بِجَدِّ ؟

إِيَّاهُ الَّذِي قَدَامَنَا اسْتَجَدَّ ؟؟

لَا الصَّبِيحَ رَاجِعَ مُسْتَعِذَ

يَسِذُ دِينَ الْأَمْسِ غَدَ

وَلَا مُسْتَعِدَّ ..

يَقُولُ لَعِينِ الشَّمْسُ - جَهْرًا هَمَسُ - سَدَّ

وَلَا شَدَّ فِي حُزَامِ النَّهَارِ عَزَمَهُ

بَلَّ فِي الصُّمَيْمِ خَزَمَهُ

رَغَمَ أَنَّهُمْ تَوَامِينِ

وَالْبَزْ فِي التَّوَامِينِ

وَالْقَوْلُ مَا قَالَ - آمِينَ

مَوْلُودُ بَنِي وَمَلَا زَمَهُ

...

يا لى بِيْتَعَارُمُوا عَلَى الْهَائِقَةِ  
لَمَّا بَقِيَتْكُمْ ٦٠٠ طَائِفَةٌ  
كُلُّ الْحُرُوفِ تَحْتَ الظُّرُوفِ زَائِقَةٌ  
وَالْفَجْرُ مَا عَتَبَشْ عَتَبَتُكُمْ  
وَالشَّمْسُ فَاتَتْ جَنَبَكُمْ خَائِقَةٌ  
كَيْفَ .. ؟

... وَالصَّبْحُ لَوْ رَاجِعَ بِشُوقٍ  
كَانَ صَحَّى فِي النَّبْضِ الشُّرُوقِ  
كَانَ صَحَّى سَيْتَ الْحُسْنِ بِإِزْزِيقِ الْوُضُوءِ  
يَلْحَقُ صَلَاةَ الْحَبِّ - مَعَ أَيْتِهَا ضَوْءُ -  
وَيَذَالُ مَا يُنْقَضُ فَرَضُهَا  
كَانَ يُنْقَضُ الدَّمُ الْمَعْطَنُ فِي الْغُرُوقِ

...

أَنَا مُوشِ حَ رُوقٍ  
إِلَّا أَمَا اشُوفُ الصَّبْحَ قُدَّامِي اعْتَرَفَ

إِذَا عَنِ الْقَبْلَةِ انْحَرَفَ  
وإِذَا مَعَايَا فِي التَّحِيَّاتِ اخْتَلَفَ  
وإِذَا يَدُوسُ لِلنَّاسِ طَرَفَ  
وَاحْتَا أَلَى بَيْنَا مِنْ زَمَانٍ ... كَلِمَةً شَرَفَ  
...

يَا صُنْحِيَّتِي ..  
مَعْلُوش .. كَلِمَةً وَحَ نَصْرَفَ ..  
مَا تَصْنَفُوشِ الْكُذِبَ ... لَوْ صُلَّى وَخَلَفَ  
- وَإِذَا كُشِيَ تَابٌ -  
حَ يُجِيبُكُوا عَ السَّجَادَةِ .. مَكْفَى عَ الْكِتَابِ  
كَذَّابُ  
وَيُجِيبُكُوا مَا دَبَّ سِيحَتُهُ لَخَذَ الْكِتَابِ  
كَذَّابُ  
وَيُجِيبُكُوا عَ الرَّهْوِ أَنْ وَمَشْنُودُ لَهُ الرِّكَابِ  
كَذَّابُ

أَوْ شَيْخٌ مَطْمَظٌ مِنْكَشِفٌ عَنْهُ الْحِجَابُ  
كَذَّابٌ

إِذْ إِنَّهُ سَاعَةً الْجَدُّ طَرَفٌ لِسَانِهِ عَابٌ  
وَعَشَانٌ كِذَّةٌ

لَا شَهَادَةَ مِنْهُ بِتَقْوِيلٍ ..  
وَلَا دَعْوَةَ مِنْهُ بِتُسْتَجَابٍ

...

يَا مُنْخَبِطِي ..

مِثْلُ الْخَتَامِ - هَمْسَةُ عِتَابٍ -

كَفَانَا حَزَنًا وَ اكْتِنَابُ

فَالْمَوْلَى خَذُ .. لَمْوَلَى جَابُ ..

الْمَوْلَى عَوْضٌ صَبْرِي خَيْرٌ ...

فَصَبَبْتُ أَنَا شَعْرِي الَّتِي شَابُ

وَرَجَعْتُ اغْنَى لَكُمْ .....

..... أَلَا لَيْتَ الشَّبَابُ

...

يَا أَيُّهَا الْأَخْبَابُ لَذَا ...  
حَبَّةُ هُدُوءٍ  
عَلَى بَالٍ مَا تَتَسَدَّدُ الشُّقُوقُ  
عَلَى بَالٍ مَا الْفُوقُ ... وَاهْدَى  
وَلَوْ حَتَّى اصْطَبْنَا عَيْ ...  
وَمِنْ مَضَاعِي  
فَبِنَاشَارَةٍ مِنْ صُبَاعِي ..  
وَمَلَوْ كَفَى ..  
الْأُمُورُ تَنْحَازُ لِصَنَفِي - فِي أَيْ دَاعِي -  
وَأِنْ عَيَّرْتَ فَ سَيَكُنِي تَسْنِدُ دِرَاعِي

...

نَظَرُهُ يَا سَيِّدَنَا الرَّفَاعِي  
فَالْأَفَاعِي مَجْزَمَانِي  
وَالْجَلَالَةُ مِلْزَمَانِي  
بِالْمُؤَافَقَةِ ، وَالْمُنَافَقَةِ ..

فى أى صفة للإمام  
أو صيام - شهر العسل -  
عند المقام ..  
لأجل اغتسل . من غلطى  
وبذمتى  
وبكل صفحات التاريخ الأولى  
إن المقام لا فيه شيوخ ...  
ولا فيه ولى

...

يا مبتلى .. بالدروشه ..  
والدردشه .. والوشوشه ..  
- ف وذن الحرس -  
هذا عبث ..  
هذا عبث جدا  
إنشا الله لو تدن

إِنَّا جَعَلْنَا بَيْنَكُمْ سَدًّا ..

- وَصُورُ الْكَهْفِ -

فَالْمَمْنَالَهُ مُوشٌ لَهْفٌ .. مِنْ جِيبِنَا

يَا عَمَّتَا سَيِّبِنَا ...

وَأَدْنُ أَدَانِ الشُّيُوخِ

قَدْ أَمَلَ الْجَبَّةُ جَوْخَ

غَيْرِ اللَّيِّ تَحْتَ الْعِمَامَةِ

وَالْمَشْرِخَةُ عَائِزَةٌ يَامَا

وَالشُّيُخُ لَا يَبِينُ كَرَامَهُ

وَلَا فُ حُجَابُهُ الْبِشَارَةَ

...

يَعْلَى بَصْرِخِ الْعِبَارَةِ

لَأَجْلِنَ تَبَانُ الْأَمَارَةِ

الشُّيُخُ يَحِبُّ الشُّطَارَةَ

وَنَقْطُ عَيْنِ الْعِبَارَةِ ...



... .. نَقَطَهُ فِي عَيْنِ الْعُبَّارَةِ.  
وَنُصْنُ أَرْتَبْ بَدَارَهُ  
أَحْمَرُ وَمَفْهُوشُ إِشَارَهُ  
مَعْلَعَشُ خَيْمِ الْإِدَارَهُ  
يَغْلِي فِي دَرَجَةِ حَرَارِهِ ...  
هَادِيهِ عَشَّانُ يَسْتَوِي  
وَالشَّيْخُ بَقَى وَمَا نَوَى  
يَاهِلُ الطَّرِيقِ فِي الْهَوَى  
يَاللَّيْ دَفَنَاهُ سَوَى  
الْقَسَمَةِ مَوْشِ عَ السَّوَى ..  
... مَا تَجَوْشُ نُرُوحُ خَائِمَةِ تَانِيهِ  
أَصْلُ أَخْنَا مَوْشِ مُسْتَوَى

## صَلَّى ، مَلَّى

صَلَّى صَلَّى ..

هيا دى ساعة التجلّى

افتحوا الكراس .. ح املى ...

أولكشى .. لو سمحتوا

إن لمحتوا فى الكلام اللي ح اقلوه

حرف مش معدول بطوله

ابقوا حطوا خط تحته

لو سمحتوا

...

ابقوا حطوا خط تحته واعملوا عنه تلاهى

لما تبقى حروف كلامنا زى ما هى ...،

حتى شوفوا

الكلام ماتت حروفه ع الشفايف

آجی اقولہ باقی خایف  
وان ماقلتش باقی خاسس  
... (ینی هایف) ..  
بس خالف  
لما تنفك المشانق من لسانی  
وينطلق صوتی أغانی  
ح اسلخ الجلد فوقانی ...  
أصله موش مخلوق عسانی  
نفسی اشوف لونی الحقیقی ...  
واتعمی وا قطع لسانی ..  
لاجل ما تقولوا علیاً  
إننی الشئ الفلانی  
یا صحابی فی الحقیقه  
لو أنا شایف طریقہ  
تعدل الحیط الی مایل ..  
كنت سویت الهوایل

## سلام بلدى

يا عين يا ليلى يا عين ..  
كان عندى غيئة حمام .. م المعجبانى العال  
يأدن الفجر ..  
ألضم له الندى موال  
تبهزج الشمس ..  
أبعت له السلام مرسال  
مداديه، وبأديه فتات القلب يشبع بيه  
وف ليله ، ربح سوداويه هفت أغنيه  
صاابه الفزع ..  
انتفض .. نفّض جِئْتُهُ وشال

...

يا زينة النير ،  
بعذر الشر - رايح فين يا حمامى ..

وأسألك ليه  
وهو اللي تصيبه العين .. يعرف لفين رايح ..  
... وإمتى يعود ...  
عين الحسود فيها عود ... زيتون مدفون  
من عمر عمرى اللي فات  
قبل اللي فات اللي فات  
... واللى فات اهو مات يا رجالة  
يا رجالة  
والعود ده لو ينزرع ..  
.... بطرح زيتون أخضر  
العود ده لو ينكسر  
.... ح يصنر دم احمر  
العود ده لو ينعصر  
.... ينشع عرق أسمر  
....

أخضر كصفحة نجيل  
أحمر كدم الزمائل تحت ليلة ويل  
أسمر كما فلاحين بلدنا .. تحت قباله  
وريقهم مَرَّ  
لكين .. فاسنهم ضيلّه على راسهم  
وحيتيات العرق بتشّسر .. قلة طين ...  
وترويههم

...

يا فلاحين ....  
فين محاربتكم  
تشقّقو بها أديم الأرض  
( دى أرضكم لسه ما نشفتش )  
لجّين تخضّر زتونتنا  
( دى اعوادها ما دبّلتش )  
.. لسه حرارة شمسكو تقدر

تطرح زيتون ياما  
لَسَاكُوا تَقْدِرْ إِيكُو ...،  
أُم مَيّت مَلِيُون دِرَاع  
يَتَمَدِّ يَمَّ الشَّمْسِ  
تَلَمَّ عَنَاقِيدُ شَعَاعٍ  
وَكُلَّ أَيْدٍ ..  
تَتَقَشُّ بَرِيشَتَيْنِ ، مِنْ ضَلُوعِ سِنْدَالٍ  
حُرُوفُ مَوَالٍ يَحِبُّهُ الْحَمَامُ ..  
.. يَمَكُنُ يِعَاوِدُ  
...

لَسَتْهُ حَرَارَةُ شَمْسِكُوا تَقْدِرْ تَطْرَحُ زَيْتُونُ يَامَا  
زَيْتُونُ بِلَدِي ..  
يَا فَلَاحِينَ  
يَا رِجَالَهُ  
يَا شِغَالَهُ ...،

يا صُحْبَتِي ع الحيل تحت الهجير

تحت السلاح والبرد ..

يا خلق هووووه

يا كل ناس بلدى

نفسى ف زتون بلدى

ودى أغنى غنا بلدى

وارقص لكم بلدى .. واقول ...

أقول .. أقول

سلام كبير يا جدع

رجع الحمام لاييض

... ومعاها سلام بلدى



## مغفوة جد

الليل مَلَفَ بضلماته على ضلي  
والنجمه بصيت لها .. عصيت تَهْتَلِي  
والفجر حالف،  
ما ييجي الصبح من يمه  
إلا ودمه حميمه  
والجراح همّه  
أبكي على نجمتي والآ على ضيلتي  
...

وحلفت ما بكى ..  
ولا عيني تسح الآه  
والآه ... حصاه ...  
متعرضه في الحلق يا ولداه  
لا هيا داخله ،

تاخذنى بالآلم وحدى ،

ولا نازلاه

...

أهين وأى

يقولها، نأى بكأى

سألته : يا بو النعم ..

.. صوتك ماهوش عادى

فين الصبابات ..،

تلمّ اللى هنا ..، وغادى

قاللى النهارده، مانيش فاضى ..،

أغنى لحد

لحد ما تشق ريق الصبح ..، غنوة جد

.. وادى الغناوى . يا غاوى

قلبها باهت.

تاھت فى غللى

أنا اللى .. إزأى ما تغلش

والريق ما تَبَلَّش  
واصْحَابِي .. هَمَّا إِلَيَّ ،...  
مِخْرَمَيْنِ عَيْنِي  
وَمَغْزُغَيْنِ قَلْبِي  
فَاتْحِينِ فِي سَدْرِ طَاقَاتِ  
وَبِالْأَدِينِ الْعَفِيَّةِ ،  
مَكْبَشِينَ فَيَا  
عَلَى كُلِّ جَرَحٍ أَنْجِرْ ، طَرَحِ الْوَجَعَ غَنَوَاتِ  
...

وَاقْدِرْ أَنَا عَلَى إِيهِ ؟  
غَيْرِ الْغَنَاءِ  
مَلْزُومِ اغْنَى  
لَحْدٍ مَا يَطْلُعُ الْفَجْرَ إِلَيَّ حَ يَنْمَعُ  
بَدَلٍ مِنْ  
يَرْشُ بَابِ الضُّبَابِ  
يَفْرُضُ نَدَاهُ عَ السَّكَّةَ لِلْأَحْبَابِ

يا خطوة الأحباب  
ياللى فى سجن الغبار  
يا جملة الأحباب  
إيدكم فى إيد النهار  
تَحْتَرُوا ضلمة الليل اللى ما بتمشيش  
تطلعوا الفجر ،  
غصين عنه .. لو مرضيش  
يطلع يحنى بالدموع .. غنوتى  
حنأ خضابيه ....  
... يا حنه يا حنه .. يا قطر النداء  
اشتقنا، وشوقنا . طال بيه المدى  
يا عيني يا عيني  
طال بيه المدى

## آخر صفحة من سجل شهيد يوم العبور

طالَ المطالُ

والانتظار فوق الكتوف - ثقل الجبال -

والشمس صلتَ ضنهرها ...

وفَ ضنهرها عزم الرجال ..

شاورت على الشط البعيد ..

أبو حلم فى القيد الحديد .....، والانتظار

يا با ...

مكاش يغيظنى .. قد الانتظار

ما يغيظنى .. قد سنيته .. يمتطوا

رغم القنال باين هناك شطه

وكتب لنا بخطه .....، خطوا ولا تهابوا

هو القنال ح يرد اصحابه

واللا الدعا متغلقه ابوابه

....

لسه النهار ما قفلش كُتابَه  
لَسَاه شدي والعزم في رُكائِه  
وبيقرأ سورة الفتح في كتابه ..  
لَسَاه يصنَّصَح مَتْن تجويدى  
ومأجل الختمه ليوم عيدى ..  
وانا عيدى ... نهار ما تَمَدَّ تجويدى  
... لأجل مَّا ..  
لأجلِ حَتَّى ما تَسْمَى  
ما قفلش ليه .. - ولا عَمَّ -  
ومن نَمَّ  
أنا والدفعه ما قَلَقْناش.  
وما سألناش ..  
وحَ اسْأَل ليه أنا وغيرى ..  
ما دُمْنَا اخدنا عَ الميرى ..  
وع الصُحبة اللى زى الفل  
تشوفنا الكل .. شئ واحد.

هدف .. واحد  
مصير .. واحد  
من احدث فرد .. للقائد ..  
بناكل فى ماعون واحد  
ونشرب كلنا من لتر  
فى خندق ييجى متر فى متر  
فى ريحة العتر .. فى ترابه اللي ع الأوفارول  
فى طبق الفول ..  
وفى جرايتى اللي باقسيمنها .. أنا وَ ح الصُّول  
وَح الضابط  
مشاعر حُب .. وروابط ..  
تشوفنا ... صف مترابط ..  
فكان النصر فى سينا - علينا من السما هابط  
وده ثابت ..  
فى آخر صفحة فى سنجلّى .. وبالنيلّى  
مانا يوم العبور ذاته ..

سَوِّيتُ حَقِّي .. وَشَفِيتُ غَلِّي.  
وَقَلَّتْ لِمَصْر .. مَا تُصَلِّي  
لَعَلِّي .. أَكُونُ أَرْضِيَّتَكَ وَفَرَحَتَكَ  
وَرَجَعْتَ الشَّبَارَ وَالْقَنْطَرَةَ وَسِينَا .. لَطُرَاحَتَكَ  
وَأَخْرَشَبِرَ فِي مَسَاحَتِكَ إِلَى مَسَاحَتِكَ  
لَعَلِّي أَكُونُ وَعَيْتَكَ وَوَصِيَّتَكَ .. وَنَصَحَتَكَ.  
بِدَمِّي .....

إِسْقَى عَنَابِيهِ .. وَنَبْقَايِهِ ..  
يَا إِمَّا تَكْتُبِي آيَهُ .. عَلَى بَابِكَ وَشُرْعَتِكَ  
خُدَى رَاحَتِكَ  
وَأَنَا مِنْ عِنْدِي حِ ادْعِي لِكَ  
يَتَنُّ السُّتْرَ مِنْ فَوْقِكَ  
وَنَبْلَكَ يَجْرِي مِنْ تَحْتِكَ



## أشيلك يا ضنايا

أشيلك يا ضنايا شيل ..  
واعدى بك ضلام الليل ..  
أعدى بك بلاد الكون  
واخطى بك بحور الويل  
وأشيلك بين عيونى شيل  
أشيلك يا ضنايا شيل

أنا ما يهمنىش اسمك  
ولا لونك ولا كسمك  
أنا شفت البكا فى عينك  
لقت قلبى يحن عليك  
وأشيلك بين عيونى شيل  
أشيلك يا ضنايا شيل

يا غربه سكتك شينه ..  
ما نعرفكيش ومتشينه  
يا صبر الصبر يا ممرّر  
أنا ح قدر عليك ح قدر  
واشيلك بين عيونى شيل  
أشيلك يا ضنايا شيل

بدور ع الحنان ما لقاش  
يا عطشان والعيون ما فهاش  
تعال .. ده الطريق لساه  
وانا لسته ما قلنش آه  
واشيلك بين عيونى شيل  
أشيلك يا ضنايا شيل

## ما علينا

تجى نبدأ من النهارده .... ما علينا من اللى راح  
وازرع الشوق والموده .... قلبى قدامك براح

ما علينا الريح معانا  
فوق مَراسى الشوق رمانا  
ليه يلومونا ف هوانا  
والهوى ليهم مباح .. ما علينا من اللى راح

نبض قلبى .. نبض قلبك  
دار بباب الشوق ودربك  
ما فتكرش ف يوم غدربك  
ما انت علمته السّماح .. ما علينا من اللى راح  
دارى طول اللول فى سدرى

الساعات عمّاله تجرى  
يا قمر ما تتامشى بدرى  
هُوَ لَسَّه الفجر لاح .. ما علينا من اللى راح

## شطاره

بَقَى حَتَّى مَالُوش عِنْدَكَ خَاطِر  
وَلَا عُدْتَشْ عَلَى خَاطِرِكَ خَاطِر  
وَاللَّاءِ بِيْتَشْطَرَّ عَلَى قَلْبِي  
أَنَا حَ أَكْرَهْ لَمَا تَكُونُ شَاطِر

\* \* \*

صَبَّخْتَ فِ قَلْبِي وَمَسَّيْتُهُ  
وَمَلَكْتَ شَعُورِي وَمَسَّيْتُهُ  
وَعَشَّانَ حَبِيبَتِكَ وَصَبَّيْتُهُ  
يَعْمَلُ لَكَ مَيِّتْ مَلِيُونِ خَاطِر  
وَأَنْتِ بِيْتَشْطَرَّ عَلَى قَلْبِي  
أَنَا حَ أَكْرَهْ لَمَا تَكُونُ شَاطِر

\* \* \*

يَا حَبِيبِي .. مَا حَدَثْ فِي شَطَارَتِكَ

أُمِّلْ انا لِيه بَسْ اخْتَرْتَك  
يَتَصَوَّرْ مِنْ يَوْمِ مَا نَضَرْتَك  
بَا عَمَلْ لَكَ مَيِّتْ مَلِيُونْ خَاطِرْ  
وَإِنْتَ بِنْتَشْطِرْ عَلَى قَلْبِي  
أَنَا حَ أَكْرَهْ لَمَا تَكُونْ شَاطِرْ  
• • •

بِشَقَاوَتِكَ دِي يَا مَحْزُونِي  
حَ نَصَائِفْ كَلِمَه تَغْيِرْنِي  
إِذَا كَانَشْ الْحُبْ مَقْدَرْنِي  
وَعَامِلْ لَكَ مَيِّتْ مَلِيُونْ خَاطِرْ  
خَلِّيكْ وَاتَشْطِرْ عَلَى كَيْفِكَ  
أَنَا حَ أَكْرَهْ لَمَا تَكُونْ شَاطِرْ  
• • •

## مَلِكُ

شيلي بقي من فوق جبينك شالك  
تتدأري ما تتدأري هل هلاك

• •

من تحت شالك بان جمالك حبه  
قلبي من الشوق انفرط ميت حبه  
ايه اللي بين العاشقين يتخبه ؟  
نفس السؤال ما بمنالوش إلا لك

• •

لست النهار متاير في عرق صباكي  
والمنكه قدامك عمار ووراكى  
فطنب الرجال اللي نذهتبه جاكى  
ينقل لك القبله اليمين في شمالك

• •

خَلَّى بُسَاطِكَ أَحْمَدَى وَسِيرَى  
مَيْنَ اللّٰى يَقْدِرُ يَعْتَشُكَ غَيْرَى  
وَإِنْ كَانَ فِى حَبِكَ خَائِنَى تَعْبِيرَى  
أَبْقَى اعْذُرْنِى وَاغْفِرْ لِى ذَلِكَ

• •

يَا لَلِّى صَبَاحَ الْفَلِّ بَيْنَ حَاجِبَيْكَ  
ضَمْنَى النَّهَارِ دَهْ وَاللَّامِضَى جِبِينِكَ  
تَتَذَارَى مِنْى وَاللَّامِينَ حَاجِبَيْكَ  
وَلَا أَلْفَ شَمْسٍ وَشَمْسٍ تَكْفِى بِدَالِكَ



## منى ليكى

تعرفى لو منى ليكى  
كنت بحرت ف عنكى

حتى لو مكسور شراعى  
وأحتوى الموج أرتفاعى  
ح أقدر أفرد لك دراعى

وأغلب التيار وجيكى

\*\*\*\*\*

منى ليكى وما تخافيش  
لو ح نبدا من مافيش

نبتديها بسْمَلَايَا  
من سنه أولى الهجايَا  
ما تخفّيش طول مالرحايَا

سدرها حنين عليكى

\*\*\*\*\*

صدقى من غير يمينى

أنى ما مديت يمينى

غير بحبات السنابل

سبحت تحت المناجل

للى ضمك واللى قابل

أنه مفراطش فيكى

\*\*\*\*\*

م المينا للصبح شافىك

والشفق حنة شفايفك

طول ما شمسك من شروقك

كفها معلم فى طوقك

لا بدر القمح فى عروقتك

وأنقش الحنه ف أديكى

\*\*\*\*\*

## الملحمة البحرية

إطمَنتى طول ما الدُومان فى أدَيّا  
كل الموانى والشطوط مَحْمِيّه

\*\*\*

والبحر صاحبى والهدف قُدامى  
وانتى فْ عنياً والبارود فى حزامى  
إطمنى ( يا مصر ) سَمى ونامى  
مانا عَ السفينة صاحى فى الداوريّة

\*\*\*

( اللش جاهز ) ينطلق طوربيده  
مطرح ما حيكون الهدف ح يصيده  
دَمَر ( إيلات ) والنصر جابه فى إيده  
علاً نشيدّه .. وحقق الأمنيه

\*\*\*

( يا مصر ) يوم واحد وعشرين منه  
( أكتوبر ) اللى سيننا من سينه  
عيد الكرامة .. واحنا جينا نهنوا  
مبروك عليكى النصر والحرية

\*\*\*

شفتى الفتى البحرى اللى رافع راسه  
رجع ( سلامه ف خير ) لأهله وناسه  
وطى على ترابك يا مصر وباسه  
ع الصتارى رافع راية التضحية

\*\*\*

شفتى بقى إزاي بيخرس شطك  
ما حد هوب يملك ولا لطفك  
عايزين شهادة تكتبها بخطك  
واعظم وسام للملحمة البحرية

## قرب وشوف

... وبتعتبي ..

يا شيخه قومي اتزوقي ..

واتوضبي ..

وما تَعْتَبِيش.

معلش كنت صغار ما أفهمكيش

دى الوقتى قومي ..

اتفرجى وشوفى ..

واقرى الوشوش

الخلق هُما هُم

- صحيح ما تغيروش

بس القلوب اتغيرت -

والشمس لما تدورت ..

دار المكن

كفّ التروس ...  
الحب نازل م القدوس  
- عيش بالغموس

...

.. والبت وافقه تشيل ، وتشايل ..  
وبتيني وتناول  
طوبه على طوبه ..  
البت لما تكون مخطوبه  
بتروق الفستان للزفه  
وتحضّر اللقه ...  
وتقول :  
يا واد شهل  
أنا واحده عايزه من زمان أفرح ..  
وأبيض المطرح ...  
وأأأهل

شهل يا واد شهل

...

البت تولد ..،

تبقى أم وداه

إن جات بُنيه ..

تعلق الفلّاه

وان جه ولد ..

ينزل ..، - وحافض الآيه -

راكب على الرهوان

- ورافع الرايه -

.. الواد كبر .. عدى ..،

والبت فرشت سدرها الفضة

وجابت له يتوضّى

وقالت له قوم .. صلى

ملّحه فى عينك يا للى ما تصلّى

الواد هناك ع الشط ..  
طوله بعرضه  
الواد جدع .. ما نسيش حلاوة أرضه  
موش هوه فلاحها ..  
إن شالها وطرحها ...  
ما حد يقدر غيره يفلحها  
ويقدمها ...  
بينقرش البشاكير  
ويقول لابوها :  
إن كان جعان يتعشى  
يرفع براسه .. وفي البلد يتمشى  
البت لسه بخير  
البت لسه بخير  
البت لسه بخير



## صوتُه ( ١ )

بالأختصار.

لَسَّه النهار له عنين.

رغم الولاد اللي تاهو .. فى أول المفترق

لَسَّه النهار فيه رمق . ولسه له مُعجبين

ولسه قادر يفوت.

بين العدم .. والسكوت ...

لو كان دراع الأخطبوط سَلَبَه

يا قدس .. لَسَّه الكلمه فى الحلبه

وصاحب الحق .. هوَ صاحب الغلبه ..

...

ما تبطلوا غَلَبَه .. وعَلُو الصوت

وكفايه طبل .. كفايه زمر ... كفايه توت

قلنا الكثير .. ما سَمِعْش حد

ألفين سلام .. ما جناش رد  
ولا عَشَى في عَنِينَا .. دموع  
ولا عَشَى فيه أحلام لغد  
والكل عاد يسمع ويبفوت  
ولا عَشَى فيه لقمايه بتقوت  
يا با اللى بيموت حقيقى الخلق  
صوت السلام لو تخرصه رصاصه  
والحق لما بينحشر فى الحلق  
...

يا با ... يا با  
السلام موش سكه صعبه  
طب ورب الكعبه .. بتكلم بجد ...،  
وموش مداعبه  
ناس كتير واخدينها لعبه  
ونا كتير كده أكل عشاها

واللى ايدہ ف ميه بارده  
يختلف عني و عنك  
ع اللى ايدہ ف نار وباللتين كابشها  
السلام كلمه جميله لو تعيشها الناس بجد  
كل شئ حيكون له حد  
حتى اولاد النهار ده  
ح يلاقونهم ألف غدا  
...

وانتى يا امه ...  
امى يا فلسطين يا مايا.  
طول ما نتي بتقسيك وبابا  
الرايه .. ما سبهاش من يدى  
والليل الأسود ح يغدى  
والفجر ح يطلع .. ومتدى  
متوضى كان .. أو متيمم

معلشی دی بعض ظروفه  
فالمیه حدانا بتتأمم  
والصوت ع المدنه بیتکّم  
لکن بیسّم .. ویعلم  
ویصحی العالم یتعلم  
من واد بیعافر علی حقّه  
واد نونو لکنه مصمم  
ومتبت بأدیہ وسنانه  
علی رایتک .. موش راضی یسلم  
یا امی متحمی ف دمه ..  
ولا همّه .. ولا حتی تألم  
فالعربی لو قطعوا لسانه  
الأرض بذاله ... بیتکّم

## صوخته ( ٢ )

شایف یا عَالَمْ قد ایه النزیف  
صَفّی عروق القدس فوق الرصیف  
هوَ انت موش ناوی تقول کلمتک  
والّا انت ناوی بَسْ قلبک ضعیف

\* \* \*

إن كان على فلسطين ضميرك سها  
ساب الديابه ينهشوا ف إنسها  
دی الوقت .. من دی الوقت الحق بقى  
یا إمّا بُكره تلقى كله انتهى

\* \* \*

القدس عربى باعتراف الجميع  
موش للّی يقدر يشتري أو يبيع  
موش للمزاد القدس ولا ع المشاع  
دی حق ناس وازای یا علام یضیع

## وتدبر

وتدبر بعون الله ....  
وَأَمْ بِحُسْنِ تَدْبِيرِنَا  
عشان أصرار .. فى تفكرنا ..، وتعبيرنا  
محدث عاد بيحبرنا .. ويتحكم فى مصائرنا  
محدث عاد مصيرنا ..، ومصريين من الأول إلى  
الآخر - محدث جه .. ومصرنا  
ما عايش حدانا بين لاتنين شتاتاً  
ولا زوراً ..، وبهتاناً ..  
ما عدى اشمعنى .. ولماذا  
وأى كلام مالوش عازه ..  
ومين مسئول عن هذا يا ناس غيرنا ..  
...  
ما فيش غيرنا يصحى الفجر لأدانه ..

نجيب الصبح في أوانه  
نضم القمح بعدائه ...  
ونملا البيت ... لعمدانه  
نرجع بسمه الفلاح لفدانه ..  
... وحضن الفاس  
نرجع صحوة الإحساس للشارع ...  
... نزيل همه  
نودى الواد إلى الميدان على مشمّه  
وحتى لو يسبح دمه  
على سدر البلد - أمه -  
نقولها بمنتهى الإخلاص  
ما دام في حب ( مصر ) خلاص  
ويكفيننا ... وپرضينا.  
يعيش قصه في بق الناس

## الله يا ليل الله

الفجر ساعتين يتولد  
يملا البلد .. رمح وزعيق  
ويخط بايده ع الطريق - البسمله -  
ويشب فوق المدنه ... وقيم الصله  
يسعد صباحك يا وله ..  
الفجر إن خش الأوض  
يطفى اللّمض ...،  
ياخذ العيال ع المندره  
محلاها لقمه مقمره  
ع الريق بتبقى مسكره ... وحنّيته  
واسألنى أنا.  
...  
الفجر شابا ...،



شُبَّ ع اللبلابه ...  
الشمس قامت تفتح البوابه ..  
خش النهار ...  
شال النعاس من فرشة الأنفاس  
وكسّر الرُّغْفَان في السباله  
وعذّى بالقله .. مع القباله  
وغنى ع السقاله  
" الله يا ليل الله "

...

الله يا ليل باغنوه ع الماشى  
بالحن قلبى النضيف ...  
الى ما صدأشى ..  
غنى اليمام ع الشجر ... واللاً ما غفناش  
يجعلنى طير كنت لما اطيير اطيير ريحه  
آبنى القواعد .. واقيس الرأى فى ريحه

فى أول الليل يغمزلى .. أجب ربحه

وفى آخر الليل ....

إن قاللى يا طير رُوح

أسنكر الباب ليضئع مفاتيحه

" الله يا ليل الله "

...

الله يا ليل ...،

مكسور وبتعافر

اللى خلع من لحمك الضافر ..،

واللى داسوك بالنعل والحافر

وبرغم ده .. بتحن لأصحابك

وتسامح اللى بنعمتك كافر.

" الله يا ليل الله "

...

سافر بلاد الله لخلق الله ..،

وَتَحَامِل ..  
حيث الأمور واضحة ...  
- وضوح كامل -  
واعذرنى .. لو تصرّحى موش شامل  
إيه يعنى ..  
لو سبت القمر عاقر  
وارجعت ..  
فالقيت النجوم حامل  
" الله يا ليل الله "

## طرح الشراقي ..

موال ..

يا شجره يا فرعه ..

سيبي .. شعرك الصنصاف

يوطى ع الميه ..

يملا الترعه للطفطاف

فزت مساقى الشراقى ..

زعت فى البور

قوم الحق الدور واروى زرعك المهجور

إلا العيدان طرحها .. قبل المعازق صاف

الحلم

ما تجيش نحلم حلم ونصدق

ونعيش فى بكره قبل ما نوصله

من إمتى نص الحلم بنحققه

او ای بکره ... حد بپحصله

...

أحلى التماسى

ساعه سعیده ...

سعى قندى وجيت لكم

ما يحلى ليا الكلام .. إلا فى وسطكم

ساعه سعیده

لقاكم عيد وزیاده

أول كلامى اطلبوا ورقابتى سداه

م العین دی زاد یا صحاب .... والعین دی زوآده

لاجعلها عاده ....

واشیل ع الكتف رحالیکم ..

## علم الصبا م المصطبه -

.....

صلوا على طه نبى الامه  
اللى حمى امله .. وأهل الذمه  
وعشان كده لما نوى للهجرة ...  
أخذ الدليل ذمى .. صحيح بالأجرة  
لكنها .... ذكرى . عشان يتربى  
ونقول لمصر - لكل شاب وشابه -  
اتعلموا حبه ...

الدين محبه .. والوطن للكل  
شمس السماحه من هنا بتطل  
زى ما قال طه البشير ... :  
علمنا بالحب كثير  
علمنا أن الجار لجاره  
غصب ... ما هوش باختياره

يعنى ببقى فى اعتبارُه .. لا نتما لوطنه  
آه بس لوكل الولاد فطنوا .. لهذا الأمر  
ما كانش زيد، ولا عمرو ..

ولا غيره

ينسى البلد .....

..... ينسى اللي لحم كتافه من خيرِه ..

ويحارب الشمس إما تشرق ع البلد

أو يخطف الحلم اللي لسه بيتولد

حلمى .. اللي لسه بيتدى من أوله

مين أوله .

مين بس يقدر يفرده ويطوله ..

.. وينوله .. مراده

عادوا وطاويط الضلام عادوا

...

آه يا وطن حَبِّ الجميع

الحلم موش ممكن يضيع .. من عمرنا  
يا عصرنا ..  
يا بو الولاد جوه البلاد متغريه  
يا عصرنا  
موش كلنا فى المركبه ..  
والريح معانا طيبه .. منذ الأزل  
طب ايه حصل ؟!  
ماحنا كده من أيام زمان  
الحب جَوّانا اتصل  
أحمد .. وعيسى ع الضمان  
خلّوا المسافة قريبة ...  
من بعضها ومترتبه  
يا مصرنا  
كل اللي مطلوب منّا .. نوصل سوى البر السليم  
مافناش بقى .. كام س .. و ج



ما خنا جيران ونسب قديم  
واضح ماكانشى فى الخبا  
يا عصرنا ...  
إوعى السّهام منصوبه . لولاد محمد ..، والمسيح  
يا عصرنا  
إنت اللى دمك راح يسّيح  
رجعنا للحب بصحيح  
رجعنا تانى لحلمنا ..  
حلم الصبا  
ونقول سوى أحلى كلام  
فى اللّمه .. عند المصطبه

## صدقتي

صدقتي ...

إن اسمك مكتوب في بطاقتي ..

وشهادة إثبات تجنيدى

ولو أنك موش من مواليدى ....

ولا من جيلى ..

ولا كنت باجبلك وتجبلى

ولا كنتش باعرف موابلك من موابلى ..

لكنى .. أول ما يقرب منك ..

والمخ في البسمة اللى ف سنك .. ريحة نيلى ..

بتحليلى ..

...

حليلى العقدة اللى ف ظورى.

موش جايز لما اخذ دورى

اتعلم ازای اتکلم ....  
وازای ادفع مهرک فوری  
وإزای إزای.  
ويا دوب الرايح قد الجای  
فان كنت ماخضتس مدارس  
ولا عمری خشيت الكتاتيب  
لكن حسیب ..  
اتحدى ثلثین الدنيا أمانت کتبات  
لو عرفوا إيه قيمة الثانية ...  
والوقت ان فات فی تبات ونبات.  
لو فهموا ان اللقلام  
ما تعلم .. قد ما بیعلم .. قهر الأيام  
لو عرفوا إيه الإنسان ..  
فی نهاية القرن العشرين  
لیه تايه .. وف إیده العنوان.  
...

يا خلق الله ..  
لو قولة آلاه .. ح تَطَيِّنِي ..  
دي ما تَبْقَاش عيب.  
ما عيب إلا اللي يَعيِّنِي...، وان جيت الدار من غير ما أجيب  
ونشاني ان فات من غير ما يصيب  
والزرعه لما يفوتها الدور  
والبت الحلوه ....  
لَمَّا تبور.

...  
وان كان عيبي ....  
... إن اللي في جيبِي .. ما يتحبّاش ...،  
وما نيش غشاش.  
ولا باعرف أغير وشي  
زي بقيت لو شاش.  
لكن عايش.  
موش جايز - يا خلق - يجوز -

دعوايه من أمي تجوز ...،

والريح تتدار

مانا نفسي أبيض وش الدار

واجيب للبت الحلو شوار

واغير ققطاني الباش

وافضل عايش.

...

فلا كل من ركب الحصان فارس

ولا كل من شال السلاح حارس

ولا كل من بحلق يكون بيشوف

ما فارس إلا اللي يعيش ناسه

وما يطاطيش راسه ..،

ويحب ع المكشوف

...

الحب ما بيعرفش خوف ..

على قد شوف العاشقين ممدود

الحب ما بيعرف حدود .. ولا لُة بلاد.

الحب لقمه للولاد.

وهنوم جُذاد ..

وكتاب عشان المدرسة

الحب حاجة كويسه

الحب - فارس من سنين

رجع بهيه لدار ياسين

الحب انا وانت .. ودول

الحب نعمه لو تزول ..

ح تبات حياتنا مضلمه

الحب نعمه من السما ..

تتزل تعمر فى البيوت

الحب معنى لو يموت .. الكون يموت

بالحب - ممكن نوصله الذروه ...

الحب موش بيعه .. ولا شروه

ولا كلمه فى الدروه ..

الحب عروه .. فى قبة المخاليق  
بتضمنا على قد ما بنطبق ..،  
ونفكها .. وقت الخناق ما يضيق  
الحب تلقوه .. بالعرق  
موش فى الدفاتر والورق  
ولا بالكلام ..  
الحب معناه السلام.  
يعنى اما تدخل فرشتك  
من غير قلق ..  
... تعرف تمام

## غجريات

لما الكلام من حق أى مواطن  
والرأى مكفول بالقانون للبشر  
طب ليه بنتكلم سوى من الباطن  
والكلمه بنقولها بميت وجهة نظر ..  
آه يا .. غجر.

...

من حقى أدفن كلمتى بالحيا  
وابنى عليها بالرصاص والحجر  
ولا قلش تصرىحى قليل الحيا  
من إمتى تصاريحنا بتحضى البشر  
آه يا .. غجر.

...

إن كنتوا طالعين بى السما السابعة



وعملتوا منى الفارس المنتظر  
شيلتوني ليه مع عافيتي مرابعه  
وف شدتي ما بشفش منكم نصر  
آه يا .. عجر.

...

أحلم ببكره كل يوم مرتين  
وافرح قوي لو قاللي مره انتظر  
فاكسر ورا امبارح يا ناس جرتين  
ويجيني بكره .. بس جاي يعتذر  
آه يا .. عجر.

## بالأصول

عايزه الأصول ..

ما تحاسبنيش إلا انا اكون مسئول

باقدر أقول .... - بالمفتشر موش همس -

واقدر أشعل لك صوابعي الخمس

واقدر أجيلك من وراء الشمس

وأعوضك عن أمس ..

ميت بكره.

...

فان كان ما يقدرش على القدره ...

سوى المولى ..

يبقى السكات أولى.

ولحد ما خد وضعي في الدوله ..

وامسك زمام الصبح من بابه

وأدق .. أعتابه.  
واقْلَعهُ البدله ...  
وافرد له جلبابه.  
حيث أنه راجع م السفر بترابه  
والخطوه لسه معلمه فى كعابه ..  
لكن شبابيه ..  
ما نحنى لمخلوق ..  
ولا بعش نفسه لدالين سوق  
راجع لشوق بن البلد  
للفجر ساعين يتولد .. - من غير مخاض -

...

أبيض بياض عرض البنات البكر  
والذكرى .. لما تستحق الذكر  
والكلمه لما تكون مشاع مش حكر  
أبيض بياض الفكر ..

والفكر المضاد  
أبيض بياض .. قلبى .. اللى فاض باخير ...  
... باكل طير ..  
فاهم لغه صاحبه  
عندك كلام ممكن تصرح به  
أو رأى تتصح به  
غير الكلام اللى انتظر دوره  
خمس سنه ..  
ثم قضى نحبهُ ..

## نهایتہ

نہایتہ ...

ای واحد فرصتہ ح تجیہ لغایتہ

یا خد الشئ الی فیہ کلوه ...

وکفایتہ ..

ثم یخلص من نفایتہ

ویلحق القطر الی فایتہ ...

ع الرصیف ..

یلحقہ قبل الردیف ...

.. قبل ما یخس الخریف ..

بفرض وصایتہ.

...

أما انا ...

فلقد نوبتُ

ابتدى آلآن .. من حيث انتهيتوا  
عائته ..

ما تعداش حدود دائرة محيطى  
ويا فلس عارفين مكانتى ...  
وإمكانيتى

ناس ما طلغوش من عبايتى ... وجلابيتى  
ويا ست الحسن ..

زينة أهل بيتى ..

اللى وياها بحس بآدميتى  
واما باتضايق ... بترفع معنويتى.

...

يا حبيبتى ..

ياللى عمرك ما شتكيتى ..

من كثير أو من قليل.

مهما باغرف من حنانك أو أكيل

لما أكون عطشان على ابريقك باميل  
واماكون حران فى ريح ضلك باقيل.  
واما باتخيل .. وليف.

بالقاكى الفى ..

رغم نقطة ضعفى ..

لما الليل يليل

صدقينى بابقى عيل ....

ان ما أمكنيش . اكملك حديثى

...

يا حبيبتى ..

لست فيه شئ من عفيتى.

ولست صوتى له رنينه ..

يا ما كان له معجبيته.

بس فىن دى الوقت فينه

يقطع الشعر وسنينه ..

اللى ما يكرمش صاحبه  
إلا لما يقضى نحبه ...  
أو يقرأ عليه فى ليله أربعينه  
...

وختوه .. يا مبانينه - بالوصيه -  
انه من شر البليه ..  
لما ست الحسن حشيل القضيه .. بالوراثه -  
وهى .. ما بتعرفش غير علم الفراسه ..  
والكياسه ....  
حسب توجيه الرياسه  
حتى مالهاش فى السياسه  
والأمور الملتويه ..  
البنيه هيا - هيا -  
لسه خاشيه ومختشيه ..  
لسه عايشه الحلم ..



خلف المشربيه ..

...

أما رأيي .. الخاص بيّ

إنّى موش شايف قضيه ...

من أساسه

وكل واحد له تصور جوه راسه ...،

... أو ما فيش.

يا صبيه ما تخافيش

الكلام ده أكل عيش - ونحن ناسه -

والقانون لو فى اختصاصه - بحد أقصى -

إنه حيحرك هنا عند المنصه

ثم طَلّت العمر ليكى ..

لما يتطقص عليكى - ويستقصى

يبقى فيه قدامنا فرصه ..

لقعده خاصه ..

فى حتة هشه .....،

فى أى وقت.

تحكى عنى ما تشائى ..

واحكى عنك ما أشأت -

...

اتخفقت من السذاجة

م اللى موش فاهمين فى حاجه

وهات فى كل مجال حداقه ..

وهات على العمال وع البطال خناقه.

لم يعد فى جعبتى للصبر طاقه

واحنا تلزمنا الرواقه

واللباقه .... وكذبه بيضه

نستهل بها العريضه

أسوة بالماشى .. والقاعده العريضه ...

فى مجتمعنا ..

يا حبيبتي ما جتمعنا ..  
إلا لاجل نلاقى صرفه  
فألغنا في المجتمع ده  
أغلى حرفه ...  
العنا الأرجوزى .. أصبح جاه وعرفاً  
وانتى عارفه ..  
كلما أرجزت قولى ..  
ازددت ظرفاً ..  
وانفتح لى ألف غرفه ..، وألف شرفه  
وقد ايه كتروا الحشاكل ..  
وافتكر مفهاش مشاكل.  
...  
بأبقى شارب .. وأبقى أكل ..  
غير ما روش  
غير ما برجع لك محوش .. ملو جيبى

يا حبيبتى ..  
هيصى .. هيصى ..  
فالكلام ده .. زرق غيبى.  
بس عيبى .....  
إنى ما فهمتش كده  
غير بعد شيبتى.  
بعد ما بقتش الخزائن والكنوز  
ح تدارى عيبتى.  
أو ترجع لى كرامتى ..  
إن أنا ضيعت هيبتى.  
فاستخرت الله تعالى ..  
ثم جيت .. أعلنت توبتى.

## الفهرس

الموضوع	الصفحة
الإهداء	٣
مشوار حب	٤
كلمة شرف	١٠
صلى صلى	١٨
سلام بلدى	٢٠
غنوة جد	٢٥
آخر صفحة من سجل شهيد يوم العبور	٢٩
أشيلك يا ضنايا شيل	٣٣
ما علينا	٣٥
شطاره	٣٧
هل هلاك	٣٩
منى ليكى	٤١
الملحمة البحرية	٤٣

الموضوع	الصفحة
قرب وشوف	٤٥
صرخة ( ١ )	٤٩
صرخة ( ٢ )	٥٣
وتدبر	٥٤
الله يا ليل الله	٥٦
طرح الشراقي	٦٠
حلم الصبا ع المصطبه	٦٢
صدقتى	٦٦
عجريات	٧٢
بالأصول	٧٤
نهايته	٧٧
الفهرس	٨٥

## مصدر عن سلسلة كتاب واقتودة :

- ١- رجل بسيط وأشياء بسيطة ( شعر فصحي )  
حسنى منصور
- ٢- نظرات فى القصة المعاصرة ( نقد أدبى )  
عبد الله هاشم
- ٣- آه لو كنتى صارحتينى ( شعر عامية )  
أشرف صديق
- ٤- حديث الضد بن البراءة ( شعر فصحي )  
محمود عبد الصمد زكريا
- ٥- إنفعالات العنب ( شعر عامية )  
صادق أمين
- ٦- أمطار تموز ( مجموعة قصصية )  
حنان سعيد
- ٧- تراثيل نسج الطوائف  
أحمد حميدة



٢٨ شارع ممفيس - كامب شيزار - الإسكندرية  
تليفون ٥٩٥٣٩٨٩ (٢٠٣)